

Число 1.

Ужгород, 1. януара 1923.

Рочник I

# БЛАГОВѢСТИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ



Доброманій  
1922.

# ПОДКАРПАТСКІЙ БАНК в УЖГОРОДЪ

ПЛОЩАЛЬ МАСАРИКА 11.

ОСНОВНЫЙ КАПИТАЛ 5.000.000 К.

ФІЛІЮ МАЕТ ВЪ АМЕРИЦѢ ПОД ФІРМОЮ:

„American Foreign Exchange Bank“ of Mc. Keesport, Pa.

В МУКАЧЕВЪ Головна улиця (дом Мукачія) В ЯСЪНЮ,  
а також В СОЛОТВИНЪ, В МИХАЛОВЦЯХ И В ХУСТЪ.

ТЕЛЕФОН:

№ 47.



Чек конт. почт. щадн.

№ 2978.

## ЦѢЛЬ БАНКА:

а) Матеріально и морально подпирати наш бѣдный руській народ.

б) Пріобрѣти матеріальну независимость для Подкарпатской Руси.

в) Обезпечити богатство (скарби, сокровища) Карпатов для всѣх наших Русинов.

Вообще заниматься будет банк всѣми дѣлами и вопросами, которыми тысячами народа можно обезпечити роботу, заробок и добробытіе.

Особливо заниматься будет наш банк: Дисконтацію вексликов, веденіем течущих рахунков, позичок вкладами, закупом товаров, промыслом, торговлею, господарством, поставленіем фабрик и заводов.

## РУСИНЫ АМЕРИКАНЦЫ УВАЖАЙТЕ!

Наш банк переведе вам найдешевше замѣну долларов, драфтов и чеков ЗА ВКЛАДКИ ПЛАТИТ БАНК 4%. У всяких финансовых (грошевых) господарских вопросах, кто ся до нас оберне ОТПОВѢМЕ БЕЗПЛАТНО

## ПОДКАРПАТСКІИ РУСИНЫ!

Подпирайте свой одинокій руській банк, свою власну інституцію,

Се ваша слава, честь и будущность.

УПРАВА ПОДКАРПАТСКОГО БАНКА.

# БЛАГОВѢСНИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходить двараз в мѣсяць  
кождого 1-го и 15-го.

АДРЕС:  
редакціи и експедиції:  
REDAKCIA „BLAHOVISTNIK“  
Užhorod, Kapitułska, 3.

ПРЕДПЛАТА:  
на рок ..... 12.— К  
одно число ..... .60 К  
За границу ..... 20.— К  
До Америки..... 1 Д)

ОБЯВЛЕНИЯ  
принимаются по дѣнъ  
за 1 сторону .. 100 К  
за 1/2 сторону .. 50 К  
за 1/4 сторону .. 25 К

РЕДАКТОР-ИЗДАТЕЛЬ:  
АВГУСТИН ВОЛОШИН.

ОТВѢЧАТЕЛЬНЫЙ РЕДАКТОР:  
ЕМИЛІЯН БОКШАЙ.

## Рождество Ісуса Христа.

(Ев. Луки 1, 26—38 и 2, 1—19) „В той час посланный быв ангел Гавріил от Бога до города Галилейского, который звався Назарет до дѣви обрученой мужу на имя Іосиф из дома Давидового; имя же дѣви: Марія. И зайшов ангел до ней та сказав: Витай повна благодати, Господь с тобою, благословена ты меже женами. Она же, коли его увидѣла застрашилася от слов его и мыслила, якое то было поздоровленіе. И сказав ей ангел: Не бойся Маріе, ты бо найшла ласку у Бога, и от, зачнеш в утробѣ и породиш сына и назвеш имя ему Іисус; он буде великим и назвесь Сыном Найвысшого и дастъ ему Господь Бог престол Давида, отца его и буде царствовать над домом Якова в вѣки и царству его не буде конця. Марія же сказала ангелу: Як то станеся, коли я мужа не знаю? И отповѣдающи ангел сказав ей: Дух святый найде на тебе и сила найвысшого осѣнить тебе; для того и то, что из тебе народиться святое и буде названое сыном Божім. И от, Елисавета родачка твоя и та зачала сына в старости своей, мѣсяць шестый есть той, котру называютъ неплодною. Бо у Бога не буде неможливым жадна рѣч. Тогда сказала Марія: от, я служница Господа, най менѣ станеся по твоим словам. И отошлов от ней ангел.

В тѣ дни выйшов приказ от чѣсаря Августа списати всю землю. Той спис быв першій за управленя Квиринія Сирією. И ишли всѣ записоватися, кождый до своего мѣста. Пошов також и Іосиф из Галилея из города Назарету, до Юдеї, до городу

Давидового, названого Виөлеем, для того, что он быв из дому и роду Давидового записатися с Марию, обручею с ним же пою, котра была в тяжи. Коли они там были, наступив час родити ей. И породила сына своего первородного и повила его и положила его в яслях, понеже не было для них мѣста в городѣ. А были в той сторонѣ пастухи, котрѣ чували и отбывали стражу ночну над своим стадом. И от, ангел Господень став коло них и слава Господня освѣтила их и напудилися великим страхом. И сказав им ангел: Не бойтесь, бо от, оповѣдаю вам велику радость, яка буде всѣм людям. Бо народився вам нынѣ Спаситель, который есть Христос Господь в городѣ Давидовом. И то буде вам знак; найдете дитя повитое, лежачое в яслях. И нараз стало с ангелом множество войска небесного, котрѣ хвалили Бога и говорили: Слава на высотѣ Богу, и на земли мир, людям уподобаня. Коли ангелы отойшли от них на небо, пастухи казали оден до другого: Идѣм до Виөлеема и подивѣмся на то, что сказав нам Господь. И поспѣшили та прїйшли и нашли Марию и Іосифа и дитя лежачое в яслях. И коли увидѣли, розповѣли о том, что было им сказано о той дѣтинѣ. И всѣ, котрѣ чули, дивовалися, что розказовали пастухи. Марія же захововала всѣ тѣ слова, складаючи в своем сердцю. И вернулися пастухи та славили и хвалили Бога за все то, что чули и видѣли як им было сказано“.

## К читателям нашим.

Богу слава, счастливо дожили'сме до сего нового року, на порозѣ котрого маеме oddati rахунок, что'сме зробили в минувшом роцѣ, ци поступили'сме вперед и постановити собѣ нову програму для дальшої роботы.

Наша газетка усиловалася вѣрно служити задачѣ, взятой на себе, служити славѣ Божїй, служити правдѣ.

Тѣшить нас, что наша щира любовь ко нашей Церкви и народу отворила сердця наших читательов и дякуючи тому наш „Благовѣстник“ став ширитися по цѣлой нашей краинѣ, что больше, попала сеся газетка наша в руки и тых наших братов, которых злоба

людска на час оторвала от нас, от их правдивоѣ матери Церкви.

Добрѣ знаеме, что все то, что мы могли зробити, е дуже, дуже маленьkim дѣломъ, но знаеме и то, что всяка робота преуспѣвае ласкою Божою, котра и из слабости годна развити велику силу, если чоловѣк з добрым намѣреніем изовсѣм оддается Богови.

То хочеме мы зробити и в сем новом роцѣ.

Не в силѣ нашей надѣя наша, но в помочи Бога небесного, которому хочеме служити и ради котрого много добрых душ соединиться в нашей армїи для общоѣ роботы.

„Благовѣстник“ в 1923. роцѣ вже двараз буде выходити **на мѣсяць** и еднако предплата только 2 коронами буде больша, т. е. 12 К.

И змѣст газеты **розшириме**, желаючи обробляти всѣ нивы духовноѣ жизни.

Знаючи то, что причиною всяких роздоров е по большої части неукость, рѣшилн'сме подавати науку религійну и то в практической формѣ. Сей цѣли будуть служити наши статьи в рубрицѣ „**Практичный катехиз**“, который оповѣданнями и интересантными примѣрами буде вас освѣдомляти и ко правдѣ доводжовати.

Кромѣ дотеперѣшних наших рубрик „*Вѣра*“, „*В защите вѣры*“, „*Бесѣда*“ и „*Новости*“ перемѣнно будеме помѣщовати статьи *из житя святых, из истории церкви* и толкованя *из литургики* о нашем прекрасном обрядѣ, и будеме подавати найкрасшѣ верши-перлы из нашей побожной литературы.

Вѣрно, честно хочеме служити нашей програмѣ, смѣло хочеме обороняти нашу вѣру, нашу Церков, котра теперь от каждого вѣрника требуе свѣдомости, бодрости и одваги.

Никто другій не буде обороняти наши духовнѣ сокровища против ворогов, если мы сами занедбаеме их.


Просиме каждого читателя нашего, чтобы в сем святом дѣлѣ, в интересѣ духовного и народного воскресеня народа нашего нас щиро подперав.

Соберайте новых читательов, ширѣть „Благовѣстник“ и всѣ туты добрѣ книжки, котрѣ в нашей новинцѣ допоручоватися будуть.

За 12 К. достане каждый читатель 24 чисел „Благовѣстника“ з богатым поучительным змѣстом.

Дешевшоѣ газеты не е у нас!

Надѣемеся, что руська публика наша буде знати пристойно цѣнити роботу нашу и не буде такого грамотного русина, котрый бы не читав свою единственную чисто духовну газету „Благовѣстник“.



Ци була колись женищина папою? Нѣт, николи! Сесю историчну брехню днесъ уже лиш тотъ завзятъ вороги Христовой Церкви смѣютъ твердити, котрым яростъ цѣлком заслѣпила очи. Кажуть, что одна дѣвчина, Йоганна, котра училася в Аѳенѣ (Греція) по смерти папы Льва IV-го года 855. выбрана была на папскій престол. За 2 годы сидѣла на престолѣ, коли раз при одном святочном обходѣ нагло умерла.

Цѣлое событие носить на себѣ характер чистой выдумки; оно от первой до послѣдной точки чиста казка. Бо:

1) В Церкви каѳолической женщины николи не мали права до степеней священнических. Исторія ни в одном случаѣ не може доказати, что колись женищина була попом або епископом, тым менше папою римским.

2) Першій раз поминається сея „исторія“ в одном лѣтописѣ из года 1250, словом 400 роками познѣйше, як то малося стати.

Легковѣрный народ в 14—15 столѣтіях менше-больше вѣровав сей брехнѣ; протестанты потом в 16-ом вѣку богато выкори-стали против каѳ. Церкви.

3) В очередь римских пап найменьшого мѣста не можно найти для папства женщины-папы. Папа Лев IV. — по которому она мала папою быти — умер 17-го юлія 855 г. а что за ним зараз Бенедикт III. слѣдовав, то явно из того, что Бенедикт вже 7-го октября 855. подписав оден диплом для монастыря Corvey (Корвей). Подобно историчный факт, что цѣсар Лотар I. умер 17-го септембра 855 г.; на одной монетѣ (грош) же образы Лотара и папы Бенедикта вѣдно стоять. Явно, что Бенедикт вже перед 17. септ. г. 855. папою быв. Но тогда як могла тата женщина по смерти IV-го Льва за два годы царствовать?!

4) Фотій жив правѣ в тых часах, коли сіе дѣло мало ся стати; и Фотій из ненависти к папам всякими клеветами обкидав римскій престол; навѣть и смѣшными дробницями. Чому той Фотій не обвиняв каѳ. Церков тым, что она позволила видимою головою быти одну женщину? Се-бы быв дѣйстно важный и серіозный закид!

Но, что не смѣв зробити Фотій, то обилью училять фотіяны (схизматики). На сем и не можно чудоватися, у них первое средство розширенїя „святого православія“ брехня. И можуть всѣ ученѣ одноголосно быти в том, чтѣ папстово Йоганнъ належить до царства казок, шизматик однак дальше буде брехати, бо без брехни „дѣло“ не може ити на перед!

**Борьба за церков.** В Копашном шизматики „православным“ способом заняли церков и на большу славу „свободы“ аж до тепер проповѣдали в ней мѣсто слова Божого гнѣв и ненависть против гр.-кат-ов. Но Бог не дозводить, чтобы деревы до неба росли. Пришло дѣло сперед суд. 1-го децембра от 8-ой години аж до поздного вечера держали выслушованя свѣдков перед Хустским окружным судом. Туй шизматики по их звычаю почали выкрутитися низкими брехнями. Таили что они пересвящовали церков; они и тепер греко-каѳолики и так ходять до церкви, як до тепер ходили. Но шизматики дармо брехали дармо говорив им батюшка Кениз в церкви, „что мы и чехи — ото едно, что чехи знаютъ, то и мы, зато не бойтесь, право выиграеме мы“, окружный судія в имени републики проголосив суд (ч. 524/1922), по которому шизматики должны под 15 днями

Сторона 6.

„БЛАГОВѢСТНИК“

Рок 1923.

под строгостю екзекуції передати церков гр.-каєоликам, а ви-  
датки права заплатити без жадної апелляції. Батюшка Кениз  
мусъв выкликати в церкви, что право присудило церков „воро-  
гам“, но чтобы помочи дѣлови он пойде до Праги и просить  
вѣрников по службѣ занести до куратора по 10—20 корон на  
путь. 10-го децембра жандары вже не пустили его у церковь;  
пошов до Чомальова, а людям забрехав, что до Золотарйова  
иде церков святити.

Брехня, низка брехня, насильствія, беззаконности означа-  
ть путь, которым ходять шизматики. Звѣдаеме: и апостолы так  
розширяли Христову вѣру? Честный русин кто еще має мало  
богобойности в сердцѣ своем, не иде за тыми изводителями,  
котрѣ его провадять не инде, як у душевну пропасть!

**Духовенство и Карпаторусскій Вѣстник.** Наша но-  
винка не занимася с политикою, но коли одна политична га-  
зета так брутально нападе на наше духовенство, як то здѣлав  
орган п. Камиńskiego К. Р. Вѣстник в ч. 47-48, тогды нам, ко-  
трѣ воюеме за христіянскѣ идеї, дальше мовчати не мож.

На том ся не чудуеме, что Гагаткам, Гомичкам и их шиз-  
матицкой компаніи не подобаються нашѣ твердовѣрнѣ свяще-  
ники, но коли оден священический сын, который вырос на про-  
ффорѣ, воспитався на гроших священических, так образить в  
своей газетѣ наше духовенство, то уже в найвысшой мѣрѣ  
дивляе нас. Нам священикам не то болить, что нас переслѣ-  
дуют и ненавидя, то так предсказав Христос; и тонич, что  
оден из державных учителей всю вину бывшого режима, ко-  
того правѣ самѣ держ. учитель были стовпами и ширителями  
— на духовенство суне, бо надѣмесь, что колись духовенство  
и учительство стрѣтяться в спольной культурной роботѣ; но  
то не можеме без слова зносити, что п. Каминскій, кто в та-  
ком добром отношеніи есть с нашими церковными кругами, с  
нашими священиками, кого политику священики так одушевлен-  
но подперали морально и матеріально, так брутально подбу-  
рюе народ против нашего духовенства.

Мы, котрѣ стораз щирѣйше защищаеме интересы христі-  
янской вѣры и политики, лиш радуемесь, что п. Каминскій уже  
раз выступив с своею правдивою фарбою; и до теперь знали'  
ме, что он, друг Гагатка не може быти и другом нашего ду-

ховенства, но тепер уже все духовенство може видѣти, як мыслить и на что цѣнить п. Каминскій наших священиков.

На брутальности К. Р. Вѣстника священики только оден отвѣт могутъ дати: соединитися в одной сильной, щиро-христіянской партіи и не довѣряти таким подозрительным вождам, як п. Каминскій.

## ПРАКТИЧНЫЙ КАТЕХИЗ.

### Цѣль чоловѣка на землї.

Для чого есм€ на землї?

Для того есм€ на землї,

- 1) чтобы'сме Бога упознали,
- 2) чтобы'сме Бога любили,
- 3) чтобы'сме Богу служили — и
- 4) чтобы'сме вѣчное спасеніе собѣ обеспечили.

1) Св. Юстин, славный христіянскій писатель, молодый свой вѣк прожив як поганин. Дуже острый розум мав и пріобрѣв собѣ глубоку ученость. Особливо много занимався з филозофією. Як сам казав, глядав правду. Поганску митологію узناав смѣшными казками и любив бы бы в дойти до познання правдивого Бога. Коли для тої цѣли студіовав філозофію Платона (в самотѣ на берегу моря), еден старий чоловѣк явився ему и казав ему:

— Что ты глядаеш, не найдеш ни у Платона, ни у других філозофов, но лиш в книгах пророков и апостолов.

Юстин зрадовався тому и начав читати св. Евангеліе и другѣ св. книги. И як сам признав, что из сих книг видѣв ясну правду, котра в філозофичных книгах являлася хиба як первѣ, неяснѣ лучи зорѣ.

Так повиннѣ и мы поступовати. Бог небесный не лишив нас без просвѣщенія, Его откровеніе, Его св. наука переданы св. Церкви, находяться в св. Евангеліи и других св. книгах и во творах св. Отцов и Учителей Церкви.

Головное: любити науку вѣчноѣ правды, любити побожное чтеніе.

Св. Екатеринѣ Сіенанской сказав І. Христос, явившійся ей „Счастлива будеш, если будеш знати: Кто есмь я?“

„Кто иде вслѣд за мною, той не ходитъ въ темнотѣ“ (Іоан. 8. 12).

2) Св. Губерт быв сыномъ княжескої родины, як молодый чоловѣк жив въ дворѣ Теодориха III., царя французскаго, который дуже полюбив его за глубоку ученость и так скоро достався у найвысшѣ достоинства. Въ своей великой славѣ и счастью забыв за душу свою и лиш соладостямъ земнымъ отдавався. Особливо любив на ловитву (польовачку, вадаску) ходити.

Коли раз одного олѣня хотѣв застрѣлити, сесь став перед ним и меже рогами указався свѣтлый знакъ Креста, изъ которога Спаситель заговорив ко Губерту:

— Доки будеш ты за дикими звѣрями ходити? Коли узнаеш вже твою правдиву цѣль: Мене любити?

Губерт отъ тогды много занимався з св. книгами, выучився за священника и теперь як славного святого честуе его св. Церков.

Любовъ ко Богу, се е наша найголовнѣйша повинность, котра вже черезъ Мойсея дана намъ: „Бозлюбиши Господа Бога твоего всѣмъ сердцемъ твоимъ, всю душою твою и всю силою твою“ (Мойс. V. 6. 5.).

И як нам не любити Его, который николи не перестав любити насъ, еще и тогды, коли прогнѣвляеме Его? Як не любити Того, который и страшну Крестну смерть перетерпѣв для насъ?

„Чого красшого можеме мы зробити,—звѣдае св. Бернат — як oddati наше сердце Тому, Кто сотворив насъ.“

3) Жив во дворѣ царя Карла V. един вѣрный урядникъ, которого и самъ царь дуже полюбив. Сей урядникъ упав у тяжку хвороту. Царь посѣтив его и сказавъ:

— Проси от мене, что хочеш, все ти учиню!

— О, царю, я бы лиш едно желав — отповѣв урядникъ — жити, продовжити живот...

— Се лиш Всемогущій Богъ може тобѣ даровати — сказав царь.

На то хворый заплакав и сказавъ:

— Я лиш тобѣ служив и забыв за Царя царей! Я служив свѣту и якій изъ того хосен..

Не мож двом панам служити нараз, або Богови, або діяволу. „Кто грѣх має за царя, тот не може мати Бога за царя“ — каже св. Василь Великий.

„Если сонце, мѣсяць и звѣзды Богу служать, чому бы не мог и я ему служити? — каже св. Гіероним.

4) Един богач на полю заговорив з роботниками и казав:

— Вся tota земля, котру видите, то все мое!

— Ци и totы лѣсы ваши? — звѣдав един.

— И totы мои!

— А там totы винницѣ чіи?

— И totы мои!

Тогда един из роботников зняв шапку и указавши на небо звѣдав:

— Я хиба там горѣ буду мати свого мѣста.

Богач глубоко задумався, ци буде и он мати мѣста там горѣ.

„Ишите (гладайте) прежде (перед всѣм) царствія Божія и правды єго и сіл всі приложатся вам“ (Має. 6, 33.).

Роздумуйте часто о цѣли нашего правдивого царства, которое приготовляе кождому из нас наш найлѣпшій Отець Небесный.

В.

## Миссійна подорожъ Преосвященнаго Епископа пряшевскаго Діонізія по Маковицѣ и других дақотрых парохіях.

Новый пряшевскій епископ свою апостолску дѣятельность начав одним дѣйстно апостолским дѣлом. По примѣру апостолов и он нащивляе всѣх своих вѣрников и в каждом християнском приходѣ удѣляе своѣ архіерейскѣ поучованя вѣрникам. О сей апостолской подорожѣ досталисме слѣдуючу информацію:

Дня 11. новембра посѣтив Епископ своих вѣрных в парохії Цестице. Тут его найсердечнѣйшими словами привѣтав о. сов. Стулякович. Дня 12-го владыка от 6 годины рано до архіерейской литургіи сповѣдав вѣрных а подчас архіерейской литургіи посвятив на священника сына о. пароха, Павла Стуляковича. Народ отвертим сердцем принял своего епископа, а по полуудни о 3. годинѣ з слезами в очах попрощався з своим вла-

дикою. Молодѣ паробки на красных конях далеко отпровадили своего владыку.

Дня 13. новембра ранним поѣздом рушив Епископ до *Маковицѣ*. В *Бардіовѣ* на стації привитав Епископа поч. каноник о. Бигарій з кураторами церкви и друга свѣтска интеллигенція. Владыка зайшов по найперше в римо-кат. церков, где его сердечно привитав тит. кан. Жебрацкій з священством и множеством народа. Владыка горячим сердцем подяковав о. парохови и его вѣрним в нарѣчію шаришском. В церкви оо. Францисканов привитав владыку о. гвардіян хорватским языком. — Прекрасно была украшена гр.-каѳ. парохіяльна церков, котра першій раз привитала своего владыку з красными пѣснями молодых дѣвчат. По молебну владыка подяковав о. парохови и вѣрным и зажадав, чтобы наш убогій руській народ дочекав тоты часы, коли и ему засвѣтить солнце счаствия и благобытія, и обѣцяв, что со всѣми силами буде около для старатися. В *Бардіовѣ* витало владыку численнос духовенство из близка и далека, радуючися, что он так скоро иде меже народ. Епископ тѣшився, бо видѣв, что має священство, которое его розумѣє и которое готовое з ним за кажду жертву за Бога и за добро народа.

По полудни о  $2^{\frac{1}{2}}$  годинѣ рушився Епископ из *Бардіова* при гарной погодѣ до *Маковицѣ*. Красный край наповнив его надѣю, же и его бѣдный народ, котрый жіє в тых горах, знайде вже почитаніе перед свѣтом и прийде до просвѣты, яку бы мусѣв осягнути по своих природных дарах.

Перед Дубином чекала Епископа перша бандерія. 24 молодых людей на красных конях иде перед епископом, котрый с ними еднако тѣшиться як они с своим Епископом. Та то его дѣти; то е кров, котра и в его сердцѣ бѣє. Вже смеркалося, коли мы прийшли до першої нашей церковцѣ в *Шашової*. Та церковца крье в собѣ чудотворный образ Матери Божої. Не знаю, ци ту една душа осталася дома. Всѣ пришли привитати своего владыку. О як мило, як красно и сердечно промовляли уста и очи, коли народ почув слова своего владыки и коли порозумѣв, что его владыка так говорить як и они говорять и же он розумѣє их потребы и их хресты! Скоро минуло  $\frac{3}{4}$  години, а владыка мусѣв оддѣлитися од тых первих своих дѣтей под *Маковицею*, чтобы увидѣти за  $\frac{1}{2}$  годину другъ свои дѣти в *Ортутовѣ*. Ту отвертым сердцем принимаете Архиерея, котрого провадив з о.

каноником Коротноким намѣстник Данько и Галько з красною процессію, о. Емиліян Келлій, приходник в Ортутовѣ. У церкви Епископ кончить молебен и говорить вѣрным науку.

Дня 14. при проводѣ бандеріи Епископ з священниками иде до Цернины. Домашня процесія и вѣрники из Куримки з 18 священниками принимаютъ своего владыку. В Цернинах того дня быв отпуст. Народа тут назбиралося из всѣх сторон. Из парохіального дому отпроваджено Епископа в процесії до церкви, де Епископ отслужив найторжественнѣйшим способом архиерейскую літургію. Подчас арх. літургіи владыка посвятив за священников Ивана Байцуру и Николая Капушанского. Велика церква повна народу. Подчас науки владыка поучовав вѣрних, что е священник, якъ его обовязки перед Богом и яка то ласка Божа для народа, коли мае доброго священника. Коли кончився чин посвященія, не было анѣ едного священника, котрого очи не были переповненѣ слезами. „Преосвященый Отче!“ — говорили отцы священники своему владыцѣ по оконченой Службѣ Божої: „не лишень наши вѣрники, але и мы всѣ на ново одродженѣ по ординації наших новых братей в Господѣ. Слухаючи слова и молитви мы всѣ обновили в своих душах тамту першу ласку, котру мы приняли при нашем посвященію..“

До св. Причастія приступило до 50 особ. Преосвященный зажадав, чтобы и у нас отпустовѣ праздники были так окончованѣ, як то по других краях быває. На той дейнъ най бы всѣ вѣрники старалися достати отпуст, пристукаючи до св. сповѣди и св. причастія.

По коротком отпочинку Преосвященый оставил Цернину и пошов до Ровна. Церковця деревяна, але мила. И ту на владыку чекала процесія — певно всѣ вѣрники, як старѣ так молодѣ. Владыка и у них окончив молебен и сказав им науку.

Так было и в Млинаровцах. Народ е ту без священника. Церков красна, а так само и приходскій дом. Раны, якъ оставила на том народѣ свѣтова война, ще не выгоенѣ. Лѣкарь духовный и там дуже потребный. Дасть Бог, что такій знайдеся на скоро. „Люде добрѣ, молѣтесь Господу, чтобы Вам як найскорше послав отця духовного“ — говорив владыка своему народови.

Около 4. годин ыступив владыка до красной церкви в Бенядиковцах. Народ з горючими свѣчками, дѣти з пѣснями ви-

тали своего Архієрея. А владыка" всѣм открывав свое сердце и двигав их душѣ до Господа, утверждаючи их в св. вѣрѣ и напоминаючи их, чтобы уважали на голос своих духовных пастырей, а варовалися от вовков, котрѣ на около ходять в одѣжи ягнят.

Около  $5\frac{1}{2}$  годины пришли мы до ІЦавнику. Майже всѣ вѣрники допровадили владыку до своей деревянной церковцѣ со свѣтлакамн, спѣваючи гарну пѣснь до Матери Божої Лурдской: „Ликуй Marie...“. Ту владыка окончив молебен до Найсв. Сердця Іисуса Христа и говорив науку о силѣ Матери Божої, котра так многъ и великъ чудеса робить в Лурдѣ. Владыка мав то счаствя, что и сам быв в Лурдѣ и видѣв такое едно чудо.

15. новембра владыка от 6. годины сповѣдав, а о 8. окончив архиерейску Службу Божу и на ново поучовав вѣрных.

О 10. годинѣ рушився архиерей на дальшу дорогу до Свѣднику. Теперь мы переходили через тѣ мѣстечка, котрѣ суть наквашенѣ кровію тысячу и тысячу наших братей и отцов. О якъ то страшнѣ спомини на страшну свѣтову войну! Сердце чоловѣкови и нынѣ ще плаче, коли увидить безчисленнѣ хресты без написа; гробы, в которых почивають люди из всѣх сторон свѣта. Ой та земля крье в собѣ тѣлеса тысячу и тысячу добрых отцов, любимых супругов, взорцевых сынов! Не могли тут быти на похоронѣ анѣ матери, анѣ жены, анѣ дѣти тых, котрѣ ту спочивають до страшного дня судного! Не могли покропити ту землю своими слезами найдорогши особы тых покойных, бо премного анѣ не знаютъ, где их отцы, мужове и сынове спочивають.

Сердце стискається ще и нынѣ, коли чоловѣк на то думає. Длячого Ты, Господи, то всьо припустив — питаюся я нынѣ? Отвѣт тяжкій, але певно же тому и мы дали причины. Грѣхи людскѣ, забываня на Господа Бога, слаба вѣра, недодержованя заповѣдей Божих и церковных и т. д. заслужили ту страшну кару. А ци вже Господь двигнув з нас руку свою? Ой ще нѣт! Ще люди не пришли к розуму. Еще знайдуться такъ, котрѣ и дальше ругаютъ на Господа и его святу Церков. Коли то перестане? Коли люди порозумѣють, что з Богом не мож жарт робити! Что с св. вѣрою не можно бавитися!

Из такими гадками переповненѣ были нашѣ сердца на дозрѣ до Свѣднику. И ту нас чекали добрѣ вѣрники с бандерією,

с процессю и отвертою душою. Не помогли ту наговоры пару людей, котрѣ бунтовали народ говорячи: не слухайте владыку, бо он Украинець, он Мадяр, он латинскій владыка и т. д. В церкви на сердечный привѣт о. Данька, декана, сердечно подяковав владыка и сказав народу науку о великому дару Божом — о св. вѣрѣ, и як треба той дар осторожно сохраняти.

По обѣдѣ владыка посѣтив школы и сам вызвѣдовав катехиз. Владыка появився и в Братствѣ погребелном и тѣшився, что люди добрѣ так окончують дѣла милосердїя что до тѣла ближнього. Зажелав им, най цѣла парохія буде зачленена до братства.

О 4<sup>1/2</sup> годинѣ отправив владыка „Паракліс“ до Матери Божої в Н. Свѣднику и там сказав науку. По Параклісу посѣтив читальну, котра має около 70 членов. Ту переглянув гарну бібліотеку, одушевляв молодых людей на роботу и препоручив им, чтобы запровадили у себе выданя „Просвѣты“ из Ужгорода, и основали філію Просвѣты.

16. новембра владыка рано сповѣдав вѣрных, а подчас архиерейской Службы Божої удѣлив миропомазаня 4 дѣтям.

(Продовжаеме),

## НОВОСТИ.

— **Епископ Нярадій и „Благовѣстник.“** Ревний епископ пряшевских русинов др Нярадій, сын простого селянина все möglichое здѣлае, чтобы подняти культурно наш залишений руській народ. В послѣдном циркулярѣ воззывае вниманіе вѣрников на добрѣ книжки и газеты. На первом мѣстѣ вручав своим вѣрникам наш „Благовѣстник“ сими словами: „Як епископ препоручаю всѣм на читаня и розшировання добру духовну газетку „Благовѣстник“, котра виходить в Ужгородѣ кожного мѣсяца раз и коштує рочно 10 Кч. Кому г. Бог лав добрый талант на писаня, най пише до „Благовѣстник“-а. Мое жаданя, чтобы tota газета у 1923 року выходила два раз мѣсячно а у 1924 года кожного тиждня.“ — О Просвѣтѣ так пише: „Препоручаю товариство „Просвѣта“ в Ужгородѣ и того выдавництва. Вступайте люди мої в члены Просвѣты, закладайте читальнѣ Просвѣты. На конци циркуляра так говорить к священникам: „Братя мої в Христѣ!“

Америцкѣ протестантскѣ секты міліоны жертвують на то, чтобы нашкодити вѣрникамъ Христовой Церкви и запровадити ихъ на отпад отъ св. вѣры. Пастыри бѣйтѣ! Майтє позор на „Імку“, „Armada Spasa“, „Joky“, саботнікар, агентовъ схизмы, ихъ новинки и выданя. При той рѣботѣ най Вамъ не буде нѣяка жертва за тяжка. Не досить робиме, если сами не читаеме и пе подшомагаеме злу пресу. Треба намъ и на другихъ вилывати, нагваряти на добре и отгваряти отъ зла. Не жалуйте обойти и всѣхъ вѣрниковъ своихъ, чтобы пріобрѣсти за добрѣ выдавництва пару особ. Выховуйме собѣ апостоловъ доброй пресы, якъ то вороги св. Церкви мають за злу прессу“. — Се есть програма и „Благовѣстник“-а. ІЦира подяка Архіерейови за сесѣ апостольскѣ слова!

— Великѣ Лучки. Коротка статя, помѣщена подъ симъ заглавiem въ пережномъ числѣ нашей газеты, въ „дотычныхъ“ кругахъ не малу баламуту причинила. Кажуть луцькскѣ схизматики: „То не правда, то въ Ужгородѣ выдумали уніятскѣ попы бо ганьбляться . . .“ Но додаютъ: „Любили бы мы видѣти того Бога, который церковь отъ насъ возьмѣ! Любили бы мы видѣти уніятскаго попа, который церковь перебере! Кедъ онъ дѣтей має, не буде ихъ дале годовати . . .“ и пр. Потомъ и съ тымъ хвалятся, что они большинство мають въ селѣ, и кажуть, что кремъ „старосты“ Фельдія другого отвѣтчика нема! Та любъ схизматики! Кедъ неправда, чому боитеся? Чому кажете и самъ, что право васъ „мало“ стискае? Чому острите зубы вже на впередъ противъ уніятскаго попа, который отъ васъ и такъ небоиться? Успокоиме васъ схизматики, что про вашъ грабежи, насильствія и брутальности посы не ганьбляться, но про вашу „православну“ мораль можетъ ганьбити вы и ваш батюхъ, который васъ такъ „модно“ воснитуе! Вы тайили усе и все! Предъ окр. судомъ такъ, якъ предъ суд. столицею. То уже ваша затвердѣлость, которая однакожъ не може васъ спасти, изъ той натуральной причины, что неправда еще никого не спасла!

Мы спознаеме ваше „большинство“ и той „свободный“ способъ, съ которымъ вы „пописы на православіе“ совершили. Якъ были „пописы“, такое и большинство ваше! Вы и не думаете, же сколь многимъ не вдячатся уже вашъ нравы! Мы спознаеме имена всѣхъ отвѣтчиковъ правѣ такъ точно, якъ вы самъ. Поздоровляеме ихъ и отказуеме: най чекають мало и — будуть спокойнѣ! Увидиме, что буде!

**От редакції.** Просиме всѣх натих пренумераторов заслати, предплату. Кто до 1-го февраля не зажене предплату, тому дальше не можеме посылати газету.

— О. Петро Гебей цротоіерейом. 4-го децимбра била празднична інсталляція апостолским престолом выименованого нового протоіерея о. Петра Гебея. Новий протоіерей повно заслужить на сie отлиchie. Върный сын своего подкарпатского народа, кого из щирого сердца любить и дѣлиться в его смутку и радости. Як священик оден з тых, котрѣ всѣми силами працують над поднесенiem славы нашей гр.-каe. вѣры и восточного обряда. Он есть нашим протоіерейом, т. е. первым священиком не тольто по отличю, но и по заслугам.

— Рукоположеніе. Преосв. Епископ Антоній посвятив на священика Євгенія Кричфа-луши ивыименовав его со-трудником до Вел.-Севлюша. Бывшій Вел. Севлюшскій сотру-дник выименован до Вудшинки.

— Бѣда меже шизматиками. В Америцѣ до тепер шизматицким епископом быв оден ренегат, вѣроломник Дзубай, кто понеже не его поставили на епископскій престол перешов на шизму. За сю'его юдину заслугу став шизматицким епископом. Якій он быв епископ таких людей посвятив на священиков. В послѣднихъ тиж-днях раз лиш пришов изъ Россіи якійсь Платон, усунув Дзубая из епископскаго престола и заявив

что по сему он буде епископом Американских шизматиков. Но пан Дзубай не хоче ся так легко поддати и дальше держить ся до своей посады. А небоги американскѣ шизматики тепер самъ не знають, кто есть их еписко-пом Дзубай ци Платон. Так то есть в „твърдой православной Церкви!“

**Посвященіе звонов.** 26/XI отбылося во Драговѣ поблагословеніе новыхъ, через Франца Егрія зробленыхъ, трьох звонов на имя: Петро, Михаилъ, Илія. Благословеніе дозволеніем Церковной Верхности совершив о. Евгений-Ортутай мѣстный парох, св. пропозѣдъ же держав о. Федозій Злодкій декан, красно предложивши върному стаду значеніе звонов и чтобы по примѣру трьох великихъ поборников Петра, Михаила, Иліи и они противостояли вся-ким искушеніям и нападеніям непріятельскимъ.

— **Насилою у царство.** В Копашновѣ, де шизматики церков нашу взяли и греко-католики ходили на шизматицкѣ от-правы; но уже на мированя не яшли. Найновѣйше батюшка пе-ред мированием замыкае дверѣ, чтобы греко-кат. не могли выйтити. Доста зле робять нашъ вѣрники, что слухаютъ отправу и проповѣди такого „духовного отца“ як бахтер: Кениз.

— **Василь Лукач,** гр.-каe. священик, посол румунского пар-ламента, извѣстный бесѣдник и патріот румунскій умер. Он по-ходив из руського роду; его отецъ быв пѣвцо-учителем нашей епархіи.

— Одним кроком близше. В Виднѣ заосновали кружок из католиков и россійских схизматиков-емигрантов для соединенія Церквей. Найблизшою его цѣлею: чтобы обѣ стороны лучше взаимно позналися и чтобы побороти ошибочнѣ мнѣнія, котрѣ суть одинокою перепонкою церковной унії (Рускулта).

— Мусоліні и религія. Мусоліні в бесѣдѣ с представителями часописов заявил, что он вѣрный католик и не признает борьбы против религії. Он надѣется, что отношенія меже Ита-

Короткѣ вѣсти. Появилися образы епископов мukачевской спархіи в групповой картинѣ от Юлія Ияса (Яцика). Образы довольно слабѣ. — З'организовалося межи ужгородскими священниками „Товариство Умоленія Найсв. Евхаристії“. Священники из провинціи могут зголоситися в канцеларіи епіскопской. — В Ужгородской гімназії складається хор спѣвучій (гармонія) под проводом п. проф. Николая Ковача. — Епіскоп пряшевскій д-р Нярадій поїхав до Праги, оттам до Відня и до Крижовец; концем января вернеся до Пряшева. — Выиграли-сме право за маєток, лишеный п. Поганкою на монастырь сестер Василіянок и на найвищом судѣ. Слава и щира подяка руському адвокатови д-ру Долинскому. — Старосту товариства Подкарп. Оrlа, сотника Вл. Ваку переложили из Ужгороду до Кошиц; протести розишли на всѣ отповѣднѣ мѣста. — Чешскѣ священники держали в Колинѣ собраніе, на котором обговоренѣ были пастыральнѣ вопросы для поднесення религійного житя. Присутных было 206. — Римскій папа отлучив от католицкой Церкви вождов хорватской шизматицкой церкви. Отлученіе загребскій епіскоп торжественно выголосив в церкви. — Іероним Нолдин, проф. нравоученія на инсбруцком университетѣ и известный автор „Морального богословія“ в 85. роцѣ своего житя умер. — В Петербурзѣ недавно два шизматицкѣ священики черцѣ перейшли на каѳ. вѣру. Оден из них о. Панфілохій Щинурцов, 64-лѣтний старик довгѣ лѣта быв місіонаром в Хинах.

лією а Ватиканом стануться не-вдовга нормальными и цѣлком отповѣдающими той позиції, яку католическая церковь займає в свѣтової исторії (Рускулта).

— В Оломуцкой семинаріи есть 81 богословов. Из Словакіи 2 римо и 2 греко-католики; Українцев е 7. Из Константинополя ознаймили іезуїты приход 5 шизматицких священников, котрѣ намѣряють ступити в католическу Церковь.

—

## ПЕРЕПИСКИ РЕДАКЦІИ.

М. Г. Колашн. В близком времени выйде книжочка!

ТИПОГРАФІЯ АКЦІОНЕРНОГО ТОВАРИСТВА „УНІО“ В УЖГОРОДѢ.